



Broj: 02-04-4230-14.1/24
Sarajevo, 15.02.2024. godine

Na osnovu člana 8. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), člana 121. stav (2) Zakona o policijskim službenicima Kantona Sarajevo („Službene novine Kantona Sarajevo“, broj: 38/18, 26/19 i 39/20) i člana 4. stav (2). Odluke o utvrđivanju standarda i kriterija za imenovanje na upražnjene pozicije predsjedavajućeg i članova Policijskog odbora („Službene novine Kantona Sarajevo“, broj: 37/23) Vlada Kantona Sarajevo, na 12. sjednici održanoj 15.02.2024. godine, donijela je

JAVNI KONKURS ZA IMENOVANJE PREDSEDAVAJUĆEG I ČLANOVA POLICIJSKOG ODBORA

I Predmet javnog konkursa

Objavljuje se javni konkurs za imenovanje predsjedavajućeg i članova Policijskog odbora. Policijski odbor se osniva kao nezavisno tijelo koje čini pet članova, od kojih jedan član ima saglasnost Sindikata policije, jedan član iz reda aktivnih policijskih službenika pri Upravi policije Kantona Sarajevo, jedan član u statusu penzionisanog policijskog službenika, te dva člana iz reda građana.

II Opis poslova članova Policijskog odbora

Policijski odbor nadležan je za preispitivanje svih žalbi koje Zakon o policijskim službenicima predviđa kao i bilo koje druge odluke ili radnje poduzete ili nepoduzete od strane policijskog organa koje se odnose na sticanje statusa i status policijskih službenika, u skladu sa zakonom i podzakonskim aktima, a na zahtjev:

- policijskog službenika koji smatra da je oštećen osporavanom odlukom, poduzimanjem ili nepoduzimanjem radnje,
- lica kojem je prestao status policijskog službenika koji smatra da je oštećen osporavanom odlukom, poduzimanjem ili nepoduzimanjem radnje,
- lica koje u skladu sa ovim zakonom ima pravo da podnese žalbu.

Policijski odbor će saslušati policijskog službenika ili lice koje je podnijelo zahtjev ako je to potrebno pozvati svjedoke i vještake kada je to neophodno, tražiti i prikupiti od nadležnih tijela sve relevantne podatke i usvojiti poslovnik koji se objavljuje u "Službenim novinama Kantona Sarajevo".

Odluke policijskog odbora su konačne, s tim da mogu biti predmet sudskog preispitivanja u skladu sa važećim zakonima i dostavljaju se podnosiocu žalbe u roku od osam dana od dana donošenja. Policijski odbor donosi odluku u roku od 30 dana od dana prijema žalbe. Policijski odbor se imenuje na mandatni period od četiri godine. Članovi odbora mogu biti ponovo birani u Policijski odbor samo jednom uzastopno.



Kandidati za imenovanje moraju ispunjavati:

- opće i
- posebne uvjete.

III Opći uvjeti

- da je stariji od 18 godina (Dokaz: Rodni list),
- da je državljanin Bosne i Hercegovine (Dokaz: Uvjerenje o državljanstvu koje nije starije od šest mjeseci, pri čemu se navedeni rok računa od dana izdavanja uvjerenja od nadležnog organa do dana predaje prijave na javni konkurs);
- da nije otpušten iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije (Dokaz: Izjava kandidata potpisana i ovjerena od strane nadležnog organa. Pored navedene izjave, kandidati koji su bili ili su još uvijek zaposleni u organima uprave ili institucijama sa javnim ovlaštenjima na svim nivoima u Bosni i Hercegovini ili vojnoj službi u Bosni i Hercegovini, dužni su dostaviti i potvrdu/uvjerenje poslodavca, da kandidat nije otpušten sa bilo koje pozicije kao rezultat disciplinske mjere);
- da nije obuhvaćen odredbom člana IX.1. Ustava Bosne i Hercegovine, (Dokaz: Izjava kandidata potpisana i ovjerena od strane nadležnog organa);

IV Posebni uvjeti

- da ima stečenu diplomu visokog obrazovanja ili druge obrazovne ili akademske kvalifikacije najmanje VII stepen stručne spreme, odnosno visoko obrazovanje prvog ciklusa Bolonjskog sistema studiranja sa 240 ECTS studijskih bodova u oblasti pravnih nauka ili druge visokobrazovne institucije pravne struke, najmanje pet godina radnog staža u struci nakon sticanja visoke školske spreme, a za predsjedavajućeg deset godina radnog staža u struci nakon sticanja visoke školske spreme (Dokaz: Diploma),
- najmanje pet godina radnog staža u struci nakon sticanja visoke školske spreme, a za predsjedavajućeg deset godina radnog staža u struci nakon sticanja visoke školske spreme, (dokaz: Potvrda/uvjerenje o radnom stažu u struci);
- da nije član političke stranke (Dokaz: Izjava kandidata potpisana i ovjerena od strane nadležnog organa);
- da nije bio na bilo kojoj poziciji u političkoj stranci na bilo kojem nivou vlasti u BiH, niti je bio postavljen na bilo koju poziciju od strane političke stranke (Dokaz: Izjava kandidata potpisana i ovjerena od strane nadležnog organa);
- da nije bio član izvršnog ili zakonodavnog tijela na bilo kojem nivou vlasti u BiH, (Dokaz: Izjava kandidata potpisana i ovjerena od strane nadležnog organa);
- da nije osuđivan za krivično djelo, (Dokaz: Uvjerenje o neosuđivanosti izdato od strane nadležnog MUP-a ne starije od tri mjeseca, pri čemu se navedeni rok računa od dana izdavanja uvjerenja od nadležnog organa do dana predaje prijave na javni konkurs),
- da se protiv njega ne vodi krivični postupak, (Dokaz: Uvjerenje o nevođenju krivičnog postupka nadležnog suda ne starije od tri mjeseca, pri čemu se navedeni rok računa od dana izdavanja uvjerenja od nadležnog organa do dana predaje prijave na javni konkurs),
- da mu nije izrečena disciplinska sankcija za teže povrede službene dužnosti (Dokaz: Izjava kandidata potpisana i ovjerena od strane nadležnog organa. Pored navedene izjave, kandidati koji su bili ili su još uvijek zaposleni u organima uprave ili institucijama sa javnim ovlaštenjima na svim nivoima u Bosni i Hercegovini ili vojnoj službi u Bosni i Hercegovini, dužni su dostaviti i potvrdu/uvjerenje poslodavca, da im nije izrečena disciplinska sankcija za teže povrede službene dužnosti),



Kandidati su dužni uz prijavu, koja sadrži kraću biografiju, adresu i kontakt telefon, priložiti originalne dokumente ili ovjerene fotokopije dokumenata (ne starije od šest mjeseci), kao dokaz o ispunjavanju općih i posebnih uvjeta traženih konkursom. Kandidati su dužni u prijavi navesti da li se kandidiraju kao predstavnici koji imaju saglasnost Sindikata policije ili iz reda aktivnih policijskih službenika pri Upravi policije Ministarstva unutrašnjih poslova Kantona Sarajevo ili imaju status penzionisanog policijskog službenika ili se prijavljuju iz reda građana. Predstavnik Sindikata policije dužan je dostaviti saglasnost Sindikata policije Kantona Sarajevo. U prijavi su dužni kandidati navesti da li se prijavljuju u svojstvu predsjedavajućeg Policijskog odbora ili člana Policijskog odbora.

Komisija za izbor pregledat će sve prijave koje stignu u propisanom roku. Komisija će na osnovu kriterija za imenovanje sastaviti listu s užim izborom najboljih kandidata koji ispunjavaju kriterije za imenovanje. Ni jedan kandidat neće biti stavljen na listu s užim izborom ukoliko nije povoljno ocijenjen prema kriterijima za imenovanje. Sve odluke, uključujući i one koje sadrže odbijenice, moraju u potpunosti biti dokumentovane i moraju se čuvati u ministarstvu ili vladinoj službi, organu ili agenciji u čijoj je nadležnosti regulirani organ. Svi kandidati liste s užim izborom pozivaju se na intervju. Prilikom pozivanja kandidata na intervju, svaki kandidat koji je ušao u užu izbor mora dobiti obrazac u kojem će iznijeti bilo koje pitanje koje bi moglo dovesti do sukoba interesa u slučaju da dođe do njegovog imenovanja. Komisija za izbor će prije intervjua zahtijevati da kandidati koji su ušli u užu izbor daju podatke o odgovarajućem broju ranijih neposrednih rukovodilaca od kojih se mogu dobiti preporuke i informacije o kandidatima.

Javni konkurs će biti objavljen u „Službenim novinama Federacije BiH“, jednim dnevnim novinama velikog tiraža, web stranici Vlade Kantona Sarajevo <https://vlada.ks.gov.ba/>. Neuredne, nepotpune i neblagovremene prijave neće se uzeti u razmatranje. Konkurs ostaje otvoren 21 dan od dana posljednjeg objavljivanja. Prijave sa traženim dokumentima kao dokazom se dostavljaju lično ili poštom preporučeno, na adresu:

VLADA KANTONA SARAJEVO
ULICA REISA DŽEMALUDINA ČAUŠEVIĆA BR. 1
71000 SARAJEVO

u zatvorenoj koverti, sa naznakom:

„PRIJAVA NA JAVNI KONKURS - POLICIJSKI ODBOR -NE OTVARAJ“.

Prijave koje ne sadrže propisano iz ovog konkursa, kao i prijave podnesene istekom roka utvrđenog u ovom konkursu, odbacit će se kao nepotpune odnosno neblagovremene, te se kao takve neće uzeti u razmatranje.



Dostaviti:

1. Predsjedavajući Skupštine Kantona Sarajevo,
2. Zamjenici predsjedavajućeg Skupštine Kantona Sarajevo (3x),
3. Premijer Kantona Sarajevo,
4. Ministarstvo unutrašnjih poslova,
5. Za objavu u „Službenim novinama Federacije BiH“ (putem Ministarstva unutrašnjih poslova Kantona Sarajevo),
6. Za objavu u dnevnim novinama (putem Ministarstva unutrašnjih poslova Kantona Sarajevo),
7. Evidencija,
8. A r h i v a.



Adresa: Reisa Džemaludina Čauševića 1, 71 000 Sarajevo

Tel: + 387 (0) 33 562-000, Fax: + 387 (0) 33 562-076

Web: <http://vlada.ks.gov.ba>, E-mail: vlada@vlada.ks.gov.ba